


# 資治通鑑

宋宋

司馬光撰  
胡三省註







提要

臣等謹案資治通鑑二百九十四卷宋司馬光撰胡三省音注光撰通鑑以元豐七年十二月戊辰書成與目錄考異同奏上之其著述大旨具見光進書原表及馬端臨經籍考中當時劉安世所作音義十卷世已無傳南渡後有蜀史炤釋文又有偽托司馬釋文及廣都費氏註又有謝珏郭仲威直音及閩本直音羣書並行而乖謬咸甚三省本其父遺志因彙集衆說覃思以為之註元袁桷清容集載先友淵源錄稱三省天台人寶祐進士賈相館之釋通鑑三十年兵難藁三失乙酉歲留袁氏塾日手抄定註己丑寇作以書藏窖中得免頗見是書顛末惟桷稱定註而今本題作音註疑出三省所自改也

資治通鑑序

通鑑文繁義博貫串最難三省所釋於象緯推測地形建置制度沿革諸大端極為賅備讀通鑑者奉為主臬真不啻左傳之有杜當陽矣又袁桷稱定註今在家尚未付梓而黃溥簡籍遺聞謂刊於臨海洪武初取藏南京國學則元末始鐫諸板今世所通行乃天啟中陳仁錫重刊本也乾隆四十五年十二月恭校上

總纂官 臣紀昀 臣陸錫熊 臣孫士毅

總校官 臣陸費墀



進資治通鑑表

臣光言先奉勅編集歷代君臣事迹又奉聖旨賜名資治通鑑今已了畢者伏念臣性識愚魯學術荒疏凡百事為皆出人下獨於前史麤嘗盡心自幼至老嗜之不厭每患遷固以來文字繁多自布衣之士讀之不徧況於人主日有萬幾何暇周覽臣常不自揆欲刪削冗長舉撮機要專取關國家興衰繫生民休戚善可為法惡可為戒者為編年一書使先後有倫精粗不雜私家力薄無由可成伏遇英宗皇帝資睿智之性敷文明之治思歷覽古事用恢張大猷爰詔下臣俾之編集臣夙昔所願一朝獲伸踊躍奉承惟懼不稱先帝仍命自選辟官屬於崇文院置局許借龍圖天章閣三館秘閣書籍賜以御書筆墨繒帛及御前錢以供果餌以內臣為承受眷遇之榮近臣莫及不幸書未進御先帝違棄羣臣陛下紹膺大統欽承先志寵以冠序錫之嘉名每開經筵常令進讀臣雖頑愚荷兩朝知待如此甚厚隕身喪元未足報塞苟智力所及豈敢有遺會

資治通鑑序

二

五十四卷

差知永興軍以衰疾不任治劇乞就冗官陛下俯從所欲曲賜容養差判西京留司御史臺及提舉嵩山崇福宮前後六任仍聽以書局自隨給之祿秩不責職業臣既無他事得以研精極慮窮竭所有日力不足繼之以夜徧閱舊史旁采小說簡牘盈積浩如煙海挾摛幽隱校計毫釐上起戰國下終五代凡一千三百六十二年修成二百九十四卷又畧舉事目年經國緯以備檢尋為目錄三十卷又參考羣書評其同異俾歸一塗為考異三十卷合三百五十四卷自治平開局迨今始成歲月淹久其間牴牾不敢自保罪負之重固無所逃

中重謝

念臣違離闕庭十有五年雖身處于外區區之心朝夕寤寐何嘗不在陛下之左右顧以駑蹇無施而可是以專事鉛槧用酬大恩庶竭涓塵少裨海嶽臣今筋骸癯瘁目視昏近齒牙無幾神識衰耗目前所為旋踵遺忘臣之精力盡於此書伏望陛下寬其妄作之誅察其願忠之意以清間之燕時賜省覽監前世之興衰考當今之得失嘉善矜惡取是舍非足以懋稽古之盛德躋無前之至



治俾四海羣生咸蒙其福則臣雖委骨九泉志願永畢矣

資治通鑑序

三



欽定四庫全書

資治通鑑卷第一

宋 司馬光 撰



胡三省 音註



周紀一

起著雍攝提格盡玄默困敦凡三十五年爾雅曰太歲在甲曰闕逢在乙曰旃蒙在丙曰柔兆在丁曰彊圉在戊曰著雍在己曰屠維在庚曰上章在辛曰重光在壬曰玄默在癸曰昭陽是為歲陽在寅曰攝提格在卯曰單闕在辰曰執徐在巳曰大荒落在午曰敦牂在未曰協洽在申曰涪灘在酉曰作噩在戌曰掩茂在亥曰大淵獻在子曰困敦在丑曰赤奮若是為歲名周紀分註起著雍攝提格起戊寅也盡玄默困敦盡壬子也闕讀如字史記作焉於乾翻著陳如翻雍於容翻默逸職翻單闕上音丹又特連翻下烏葛翻又於連翻牂作郎翻涪吐魂翻灘吐丹翻困敦音頓杜預世族譜曰周黃帝之苗裔姬姓后稷之後封於邰及夏衰稷子不密竄於西戎至十二代孫太王避狄遷岐至孫文王受命武王克商而有天下自武王至平王凡十三世自平王至威烈王又十八世自威烈王至赧王又五世張守節曰因太王居周原國號曰周地理志云右扶風美陽縣岐山西北中水鄉周太王所邑括地志云故周城一名美陽城在雍州武功縣西北二十五里紀理也統理衆事而繫之年月溫公繫年用春秋之法因史漢本紀而謂之紀邰湯來翻夏戶雅翻密竹律翻雍於

翻用

資治通鑑卷一

四

威烈王

名午考王之子諡法猛以剛果曰威有功安民曰烈沈約曰諸複諡有諡人無諡法

二十三年

上距春秋獲麟七十八年距左傳趙襄子初命晉大夫魏斯趙籍韓

虔為諸侯

此溫公書法所由始也魏之先畢公高後與周同姓其苗裔曰畢萬始封於魏至魏舒始為晉正卿三世至斯趙之先造父後至叔帶始

自周適晉至趙夙始封於耿至趙盾始為晉正卿六世至虓三家者世為晉大夫王至韓武子事晉封於韓原至韓厥為晉正卿六世至虓三家者世為晉大夫於周則陪臣也周室既衰晉主夏盟以尊王室故命之為伯三卿竊晉之權暴蔑其君剖分其國此王法所必誅也威烈王不惟不能誅之又命之為諸侯是崇獎奸名犯分之臣也通鑑始於此其所以謹名分歟

臣光曰臣聞天子之職莫大於禮禮莫大於分分莫大於名

分扶問翻下同

何謂禮

紀綱是也何謂分君臣是也何謂名公侯卿大夫是也夫以四海之廣

夫以音扶

兆民之衆受制於一人雖有絕倫之力高世之智莫不奔走而服役者豈非

以禮為之紀綱哉是故天子統三公

統他綜翻

三公率諸侯諸侯制卿大夫卿大

夫治士庶人

治直之翻

貴以臨賤賤以承貴上之使下猶心腹之運手足根本之

制支葉下之事上猶手足之衛心腹支葉之庇本根然後能上下相保而國



家治安治直吏翻故曰天子之職莫大於禮也文王序易以乾坤為首孔子繫之

曰天尊地卑乾坤定矣卑高以陳貴賤位矣繫戶計翻言君臣之位猶天地之不

可易也春秋抑諸侯尊王室王人雖微序於諸侯之上以是見聖人於君臣之際未嘗不倦倦也倦達員翻漢劉向傳忠臣畎畝猶不忘君倦倦之義也倦倦猶言勤勤也非有桀紂之暴湯

武之仁人歸之天命之君臣之分當守節伏死而已矣是故以微子而代紂

則成湯配天矣史記商帝乙生三子長曰微子啓次曰中衍季曰紂紂之母為后帝乙欲立啓為太子太史據法爭之曰有妻之子不可

立妾之子乃立紂紂卒以暴虐亡殷國孔玄義曰物之大者莫若於天推父比天與之相配行孝之大莫大於此所謂嚴父莫大於配天也又孔氏曰禮

記稱萬物本乎天人本乎祖俱為其本可以相配故王者皆以祖配天諡法除殘去虐曰湯然諡法起於周蓋殷人先有此號周人遂引以為諡法分扶

問翻長知兩以季札而君吳則太伯血食矣吳王壽夢有子四人長曰諸樊次曰餘祭次曰餘昧次曰季札

季札賢壽夢欲立之季札讓不可於是立諸樊諸樊卒以授餘祭欲兄弟以次相傳必致國於季札季札終讓而逃之其後諸樊之子光與餘昧之子僚

爭國至於夫差吳遂以亡宗廟之祭用牲故曰血食太伯吳立國之君范甯曰太者善大之稱伯者長也周太王之元子故曰太伯陸德明曰壽夢莫公

翻餘祭側介然二子寧亡國而不為者誠以禮之大節不可亂也故曰禮莫翻餘昧音末

## 資治通鑑卷一

五

大於分也夫禮辨貴賤序親疏裁羣物制庶事非名不著非器不形名以命

之器以別之夫音扶別彼列翻然後上下粲然有倫此禮之大經也名器既亡則禮

安得獨在哉昔仲叔于奚有功於衛辭邑而請繁纓孔子以為不如多與之

邑惟名與器不可以假人君之所司也政亡則國家從之左傳衛孫桓子帥師與齊師戰于新

築衛師敗績新築人仲叔于奚救孫桓子桓子是以免既而衛人賞之邑辭請曲縣繁纓以朝許之孔子聞之曰不如多與之邑惟名與器不可以假人

繁纓馬飾也繁馬鬣上飾纓馬膺前飾晉志註曰纓在馬膺如索羣繁音蒲官翻纓伊盈翻索昔各翻衛君待孔子而為政孔

子欲先正名以為名不正則民無所措手足見論語夫繁纓小物也而孔子惜

之正名細務也而孔子先之先悉薦翻誠以名器既亂則上下無以相保故也夫

事未有不生於微而成於著聖人之慮遠故能謹其微而治之治直之翻下同衆人

之識近故必待其著而後救之治其微則用力寡而功多救其著則竭力而

不能及也易曰履霜堅冰至坤初六爻辭象曰履霜堅冰陰始凝也馴致其道至堅冰也書曰一日二日

萬幾皋陶謨之辭孔安國註曰幾微也謂此類也故曰分莫大於名也分扶問翻



嗚呼幽厲失德周道日衰綱紀散壞下陵上替諸侯專征

謂齊桓公晉文公至悼公以及楚莊

王吳夫差之類

大夫擅政

謂晉六卿魯三家齊田氏之類

禮之大體什喪七八矣

喪息浪翻

然文武之祀

猶縣縣相屬者

屬聯屬也音之欲翻凡聯屬之屬皆同音

蓋以周之子孫尚能守其名分故也何

以言之昔晉文公有大功於王室請隧於襄王襄王不許曰王章也未有代

德而有二王亦叔父之所惡也不然叔父有地而隧又何請焉文公於是懼

而不敢違

太叔帶之難襄王出居于汜晉文公帥師納王殺太叔帶既定襄王于郟王勞之以地辭請隧焉王弗許云云杜預曰闕地通路曰

隧此乃王者葬禮也諸侯皆縣柩而下王章者章顯王者異於諸侯古者天子謂同姓諸侯為伯父叔父隧音遂惡烏路翻難乃旦翻汜音汎勞力到翻

闕其月翻縣音玄柩其久翻

是故以周之地則不大於曹滕以周之民則不衆於邾莒

曹滕

邾莒春秋時小國莒居許翻

然歷數百年宗主天下雖以晉楚齊秦之彊不敢加者何哉

徒以名分尚存故也至於季氏之於魯田常之於齊白公之於楚智伯之於

晉

魯大夫季氏自季友以來世執魯國之政季平子逐昭公季康子逐哀公然終身北面不敢篡國田常即陳恒田氏本陳氏溫公避國諱改恒曰常

陳成子得齊國之政殺闕止弑簡公而亦不敢自立史記世家以陳敬仲完為田敬仲完陳成子恆為田常故通鑑因以為據白公勝殺楚令尹子西司

## 資治通鑑卷一

六

資治通鑑

馬子期石乞曰焚庫弑王不然不濟白公曰弑王不祥焚庫無聚智伯當晉

之衰專其國政侵伐鄰國於晉大夫為最強攻晉出公出公道死智伯欲并

晉而不敢乃奉哀公驕立之

其勢皆足以逐君而自為然而卒不敢者

卒子恤翻終也

豈其力不

足而心不忍哉乃畏奸名犯分而天下共誅之也

奸居寒翻亦犯也分扶問翻

今晉大夫

暴蔑其君剖分晉國

史記六國年表定王十六年趙魏韓滅智伯遂三分晉國

天子既不能討又寵秩之

使列於諸侯是區區之名分復不能守而并棄之也

陸德明經典釋文凡復字其義訓又者並音扶

又

先王之禮於斯盡矣或者以為當是之時周室微弱三晉彊盛

三家分晉國時因謂

之三晉猶後之三秦三齊也

雖欲勿許其可得乎是大不然夫三晉雖彊苟不顧天下之

誅而犯義侵禮則不請於天子而自立矣不請於天子而自立則為悖逆之

臣

夫音扶悖蒲內翻又蒲沒翻

天下苟有桓文之君必奉禮義而征之今請於天子而天

子許之是受天子之命而為諸侯也誰得而討之故三晉之列於諸侯非三

晉之壞禮乃天子自壞之也

壞音怪人毀之也

烏呼君臣之禮既壞矣

此壞其義為成壞之壞讀

如則天下以智力相雄長

長知兩翻

遂使聖賢之後為諸侯者社稷無不泯絕

謂齊



宋亡於田氏魯陳越亡於楚鄭亡於韓也泯生民之類糜滅幾盡說文曰糜

彌忍翻盡也又彌鄰翻毛晃曰沒也滅也

初智宣子將以瑤為後智果曰不如宵也韋昭曰智宣子晉卿荀躒之子申也瑤宣子之子智伯也諡曰襄子智果

智氏之族也宵宣子之庶子也按瑤之賢於人者五其不逮者一也韋昭曰美

鬢長大則賢通鑑俗傳寫者多作美鬢今從之射御足力則賢伎藝畢給則賢巧文辯

慧則賢韋昭曰給足也巧文巧彊毅果敢則賢如是而甚不仁夫以其五賢陵

人而以不仁行之其誰能待之韋昭曰待若果立瑤也智宗必滅弗聽智果別

族於太史為輔氏此事見國語按左傳哀公二十三年晉荀瑤伐齊始見于傳

文子猶見于傳智宣子之事傳無所考立瑤之議當在元王五年之前韋昭曰

太史掌氏姓周禮春官之屬小史掌定世繫辨昭穆鄭司農注云史官主書故

韓宣子聘魯觀書于太史世繫謂帝繫世本之屬是也小史主定之賈公彥疏

曰註引太史證之者太史史官之長共其事故也蓋周之制小史定姓氏其書

則太史掌之智果欲避智氏之禍故於太趙簡子之子長曰伯魯幼曰無恤趙

史別族宋祁國語補音別彼列翻又如字趙簡子之子長曰伯魯幼曰無恤趙

子文子之孫鞅也諡法一德不懈曰簡白虎通曰子孳將置後不知所立乃書

也孳孳無已也趙岐曰子者男子之通稱也長知兩翻

訓戒之辭於二簡孔穎達曰書者舒也書緯璇璣鈴云書者如也則書者寫其

紀庶物也亦言著也著之以授二子曰謹識之識職吏三年而問之伯魯不能

簡紙求不滅也簡竹策也以授二子曰謹識之翻記也三年而問之伯魯不能

舉其辭求其簡已失之矣問無恤誦其辭甚習習熟求其簡出諸袖中而奏之

毛晃曰奏於是簡子以無恤為賢立以為後簡子使尹鐸為晉陽姓譜尹少昊

進上也於是簡子以無恤為賢立以為後簡子使尹鐸為晉陽之子封于尹

城子孫因為氏韋昭曰晉陽趙氏邑為治也班志曰晉陽故詩唐國周成王滅

唐封弟叔虞龍山在西晉水所出東入汾臣瓚曰所謂唐今河東永安縣是也

去晉四百里括地志曰晉陽故城今名晉城在蒲州虞鄉縣西今按水經注晉

水出晉陽縣西龍山昔智伯遏晉水以灌晉陽其水分為二流北瀆即智氏故

渠也同過水出沾縣北山西過榆次縣南又西到晉陽縣南榆次縣南水側有

鑿臺戰國策所謂智伯死於鑿臺之下即此處也參而考之晉陽故城恐不在

蒲州水經注又云叔虞封於唐縣有晉水故改名為晉子夏序請曰以為繭絲

詩此晉也而謂之唐是也與班志合瓚說及括地志未知何據請曰以為繭絲

乎抑為保障乎簡子曰保障哉繭絲謂浚民之膏澤如抽繭之緒不盡則不止

宋祁曰障之尹鐸損其戶數韋昭曰損其戶簡子謂無恤曰晉國有難而無以

亮翻又音章尹鐸損其戶數則民優而稅其少簡子謂無恤曰晉國有難而無以

尹鐸為少而汝也難乃旦翻患也阨也少音無以晉陽為遠必以為歸及智宣

子卒卒子智襄子為政諡法有勞定國曰襄與韓康子魏桓子宴於藍臺韓康

資治通鑑卷一



宣子之曾孫莊子之子虔也魏桓子魏獻子之子曼多之孫駒也諡法溫柔好樂曰康辟土服遠曰桓爾雅四方而高曰臺智伯戲康子而

侮段規姓譜段鄭共叔段之後智國聞之諫曰主不備難難必至矣春秋以來大夫之家臣謂大夫曰主難乃

旦翻下同智伯曰難將由我我不為難誰敢興之對曰不然夏書有之一人三失怨

豈在明不見是圖書五子之歌之辭夏戶雅翻見賢遍翻發見也著也形也夫君子能勤小物故無大患今

主一宴而恥人之君相夫音扶段規韓康子之相也相息醬翻下同又弗備曰不敢興難無乃不可

乎蝼蟻蜂蠆皆能害人宋祁曰蝼如銳翻又字林人劣翻秦人謂蚊為蝼今按蝼小蟲日中羣集人之肌膚而嘍其血蚊之類也蜂細

腰而能螫人蠆亦毒蟲長尾音丑邁翻況君相乎弗聽智伯請地於韓康子康子欲弗與段規曰

智伯好利而懷不與將伐我不如與之彼狃於得地好呼到翻懷弼力翻狃狎也狃女九翻驕怏也又相狎

也必請於他人他人不與必嚮之以兵然後我得免於患而待事之變矣康子

曰善使使者致萬家之邑於智伯毛晃曰邑都邑四井為邑四邑為丘邑方二里丘方四里載師以公邑之田任甸地以家

邑之田任稍地註公邑謂六遂餘地家邑大夫之采地此又與四井之邑不同又都國都邑縣也左傳凡邑有先君宗廟之主曰都無曰邑邑曰築都曰城此

謂大縣邑也杜預引周禮四縣為都四井為邑恐誤四井之邑方二里豈能容宗廟城郭如論語十室之邑西都賦都都相望邑邑相屬則是四縣四井之都

## 資治通鑑卷一

八

資治通鑑

邑也若千室之邑萬家之邑則非井邑矣項安世曰小司徒井牧田野以四井為邑凡三十六家除公田四夫凡三十二家遂大夫會為邑者之政以里為邑凡二十五家遂大夫蓋論里井之制二十五家共一里門即六鄉之二十五家為一間也小司徒蓋論溝洫之制四井為邑共用一溝即匠人所謂井間廣四尺深四尺謂之溝也居則度人之衆寡溝則度水之衆寡此其所以異智伯悅歟毛項二說皆明周制參而考之戰國之所謂邑非周制矣致送至也

又求地於魏桓子桓子欲弗與任章曰何故弗與任章魏桓子之相也姓譜黃帝二十五子十二人各以德

為姓第一曰任氏又任為風姓之國實太昊之後主濟祀今濟州任城即其地任市林翻桓子曰無故索地故弗與任章曰

無故索地諸大夫必懼索山客翻求也吾與之地智伯必驕彼驕而輕敵此懼而相親

以相親之兵待輕敵之人智氏之命必不長矣周書曰將欲敗之必姑輔之將

欲取之必姑與之逸書也敗補邁翻主不如與之以驕智伯然後可以擇交而圖智氏

矣柰何獨以吾為智氏質乎質脂利翻物相綴當也又質讀如字亦通質謂椹質也質的也椹質受斧質的受矢言智伯怒魏桓

子必加兵於魏如椹質桓子曰善復與之萬家之邑一復扶智伯又求蔡皋狼

之地於趙襄子康曰皋姑勞切狼盧當切春秋蔡地後為趙邑余據春秋之時晉楚爭盟晉不能越鄭而服蔡三家分晉韓得成皋因以并鄭

時蔡已為楚所滅鄭之南境亦入于楚就使皋狼為蔡地趙襄子安得而有之漢書地理志西河郡有皋狼縣又有蘭縣漢之西河春秋以來皆為晉境而古



文蘭字與蔡字近或者襄子弗與智伯怒帥韓魏之甲以攻趙氏帥讀襄子將

出曰吾何走乎走則豆翻疾趨從者曰長子近且城厚完從才用翻長子縣周

屬上黨郡陸德明曰長子之長丁丈翻顏師古曰長讀為短長之長今讀為長

幼之長非也崔豹古今注曰城盛也所以盛受民物也淮南子曰鯀作城盛時

翻襄子曰民罷力以完之罷讀又斃死以守之其誰與我韋昭曰謂誰從者曰

邯鄲之倉庫實邯鄲即春秋邯鄲午之邑也班志邯鄲縣屬趙國張晏曰邯鄲

後屬晉七國時為趙都趙敬侯自晉陽始都邯鄲余按史記六國年表周安王

之十六年趙敬侯之元年烈王之二年趙成侯之元年成侯二十二年魏克邯

鄲是年顯王之十六年也二十四年魏歸邯鄲若敬侯已都邯鄲魏克其國都

而趙不亡何也至顯王二十二年公子范襲邯鄲不勝而死是年肅侯之三年

也意此時趙方都邯鄲蓋肅侯徙都襄子曰浚民之膏澤以實之韋昭曰浚煎

非敬侯也邯音寒鄲音丹康多寒切又因而殺之其誰與我其晉陽乎先主之

所屬也古者諸侯之大夫其家之臣子皆稱之曰尹鐸之所寬也民必和矣乃

走晉陽三家以國人圍而灌之城不浸者三版高二尺為一沈竈產鼃民無叛

意沈持林翻顏師古漢書音義曰鼃鼃也似蝦蟇而長腳其色青史游急就章

曰蛙蝦蟇陸佃埤雅曰鼃似蝦蟇而長脚瞋目如怒鼃與蛙同音下媯翻

智伯行水據經典釋文凡巡行之魏桓子御韓康子驂乘兵車尊者居左執弓

居右持矛以備傾側所謂車右是也韓魏畏智氏之彊一為之御一為之右驂

與參同參者三也三人同車則曰驂乘四人同車則曰駟乘左傳齊伐晉燭庸

之越駟乘杜預注曰四人智伯曰吾乃今知水可以亡人國也桓子肘康子康

共乘者殿車乘石證翻

子履桓子之跗以汾水可以灌安邑絳水可以灌平陽也跗音夫足趾也班志

陽縣屬太原郡安邑縣屬河東郡史記正義曰安邑故城在絳州夏縣東北十

五里應劭曰絳水出河東絳縣西南平陽縣亦屬河東郡安邑魏絳始居邑平

陽韓武子玄孫貞子始居之桓康二子之肘足接蓋各為都邑慮也水經注曰

絳水出絳縣西南蓋以故絳為言其水出絳山東北流而合于澮猶在絳縣

界中智伯所謂汾水可以灌安邑或亦有之絳水可以灌平陽未識所由余謂

自春秋之季至于元魏歷年滋多郡縣之離合川谷之遷改有不可以一時所

睹為據者史記正義曰韓初都平陽今晉州也括地志曰絳水一名白今名沸

泉源出絳山飛泉奮湧揚波注縣積壑三十餘丈望之極為奇觀可接引北灌

平陽城酈道元父範歷仕三齊少長齊地熟其山川後入關死于道未嘗至河

東也此蓋因耳學而致疑括地志成於唐之魏王泰泰者太宗之愛子羅致天

下一時名儒以作此書其絺疵謂智伯曰韓魏必反矣智伯曰子何以知之絺

疵曰以人事知之夫從韓魏之兵以攻趙趙亡難必及韓魏矣夫音扶難今約

勝趙而三分其地城不沒者三版人馬相食城降有日而二子無喜志有憂色

資治通鑑卷一



是非反而何明日智伯以絺疵之言告二子二子曰此夫讒人欲為趙氏游說使主疑於二家而懈於攻趙氏也不然夫二家豈不利朝夕分趙氏之田而欲為危難不可成之事乎二子出絺疵入曰主何以臣之言告二子也智伯曰子何以知之對曰臣見其視臣端而趨疾知臣得其情故也智伯不悛絺疵請使於齊夫音扶餘並同難乃旦翻降戶江翻下也服也說輸芮翻懈居隘翻怠也危難如字悛丑緣翻改也止也絺抽遲翻姓也康曰絺當作郗姓譜諸書未有從絲者疑借字余按姓譜絺姓周蘇忿生支子封於絺因氏焉為趙之為音于偽翻使疏吏翻疵請出使以避禍也趙襄子使張孟談潛出見二子曰臣聞脣亡則齒寒今智伯帥韓魏以攻趙趙亡則韓魏為之次矣帥讀曰率二子曰我心知其然也恐事未遂而謀泄則禍立至矣張孟談曰謀出二主之口入臣之耳何傷也二子乃潛與張孟談約為之期日而遣之姓譜張氏本自軒轅第五子揮始造弦寔張網羅世掌其職後因氏焉風俗傳云張王李趙黃帝所賜姓也又晉有解張字張侯自此晉國有張氏唐姓氏譜張氏出自姬姓黃帝子少昊青陽氏第五子揮正始制弓矢子孫賜姓張周宣王卿士張仲其後裔事晉為大夫襄子夜使人殺守隄之吏而決水灌智伯軍智伯軍救水而亂韓魏翼而擊之襄子將卒犯其前將即亮翻又音如字

資治通鑑卷一

將領也卒臧沒翻說文吏人給事者衣為卒卒衣有題識其字從衣從十大敗智伯之衆以此敗彼曰敗敗比邁翻遂殺智伯盡滅智氏之族史記六國年表三晉滅智氏在周定王十六年上距獲麟二十七年皇甫謐曰元王十一年癸未三晉滅智伯唯輔果在

以別族也

臣光曰智伯之亡也才勝德也夫才與德異而世俗莫之能辨夫音扶通謂之

賢此其所以失人也夫聰察彊毅之謂才正直中和之謂德才者德之資也

德者才之帥也夫音扶帥所類翻雲夢之竹天下之勁也書禹貢雲土夢作乂孔安國註云雲夢之澤在江南

左傳楚王以鄭伯田江南之夢杜預注云楚之雲夢跨江南北班志雲夢澤在南郡華容縣南祝穆曰據左傳邳夫人弃子文於夢中言夢而不言雲楚子避吳入于雲中言雲而不言夢則知雲夢二澤也漢陽志雲在江之北夢在江之南又安陸有雲夢澤枝江有雲夢城蓋古之雲夢澤甚廣而後世悉為邑居聚落故地之以雲夢得名者非一處竹箭然而不矯揉不羽括則不能以入堅矯舉夭翻揉如久翻康曰揉曲為矯揉所以撓曲而使棠谿之金之直也羽者箭翎括者箭窟受弦處括音聒通作筈

天下之利也左傳楚封吳夫概王於棠谿戰國之時其地屬韓出金甚精利劉昭郡國志汝南郡吳房縣有棠谿亭杜佑通典曰棠谿在今

汝州鄆城縣界九域志蔡州有冶爐城韓國鑄劍之地然而不鎔範不砥礪則不能以擊彊毛晃曰鎔銷也鑄也



**說文**鑄器法也董仲舒傳猶金在鎔**註**鎔謂鑄器之模範範是故才德全盡

謂之聖人才德兼亡謂之愚人德勝才謂之君子才勝德謂之小人凡取人

之術苟不得聖人君子而與之與其得小人不若得愚人何則君子挾才以

為善小人挾才以為惡挾才以為善者善無不至矣挾才以為惡者惡亦無

不至矣挾翻愚者雖欲為不善智不能周力不能勝譬如乳狗搏人人得而

制之挾戶頰翻朱元晦曰挾者兼有而恃之之稱勝音小人智足以遂其姦

勇足以決其暴是虎而翼者也其為害豈不多哉虎而傳翼其為害也愈甚夫德者人之

所嚴嚴敬也而才者人之所愛愛者易親嚴者易疏易以是以察者多蔽於才

而遺於德自古昔以來國之亂臣家之敗子才有餘而德不足以至于顛覆

者多矣豈特智伯哉故為國為家者苟能審於才德之分而知所先後先悉

後戶又何失人之足患哉

三家分智氏之田趙襄子漆智伯之頭以為飲器說文漆木汁可以髹物下從

## 資治通鑑卷一

十一

**張騫傳**匈奴破月氏王以其頭為飲器韋昭**註**曰飲器棹榼也晉灼曰飲器虎

子屬也或曰飲酒之器也師古曰匈奴嘗以月氏王頭與漢使歃血盟然則飲

酒之器是也韋云棹榼晉云虎子皆非也棹榼即今之偏榼所以盛酒耳非用

飲者也虎子褻器所以洩便者棹音擊榼克合翻氏音支使疏吏翻歃色甲翻

盛時征翻褻息列翻智伯之臣豫讓欲為之報仇豫姓也讓名也戰國之時又

音于偽乃詐為刑人挾匕首入襄子宮中塗廁挾持也劉向曰匕首短劍**鹽鐵**

翻下同乃詐為刑人挾匕首入襄子宮中塗廁論曰匕首長尺八寸頭類匕故

伯死無後而此人欲為報仇真義士也吾謹避之耳乃舍之舍讀豫讓又漆身

為癩吞炭為啞癩落蓋翻惡疾也行乞於市神農日中為市致天下之民聚天

**鄭氏周禮注**曰其妻不識也行見其友其友識之為之泣曰以子之才臣事趙

孟必得近幸自春秋之時趙宣子謂之宣孟趙文子謂子乃為所欲為顧不易

邪易以何乃自苦如此求以報仇不亦難乎豫讓曰既已委質為臣經典釋文

翻委質委其體以事君而又求殺之是二心也凡吾所為者極難耳然所以為

此者將以愧天下後世之為人臣懷二心者也襄子出豫讓伏於橋下襄子至



橋馬驚索之得豫讓遂殺之

自智宣子立瑤至豫讓報仇其事皆在威烈王二十三年之前故先以初字發之溫公之意蓋以天

下莫大於名分觀命三大夫為諸侯之事則知周之所以益微七雄之所以所以盛莫重於宗社觀智趙立後之事則知智宣子之所以失趙簡子之所以得君臣之義當守節伏死而已觀豫讓之事則知策名委襄子為伯魯之不立也有質者必有賈而無貳其為後世之鑑豈不昭昭也哉

子五人不肯置後封伯魯之子於代

代國在夏屋句注北趙襄子滅之班志有代郡代縣為于僞翻夏戶雅翻曰代

成君早卒

成諡也諡法安民立政曰成

立其子浣為趙氏後

浣戶管翻

襄子卒弟桓子逐浣而自

立

史記六國表威烈王元年襄子卒二年趙桓子元年卒明年國人立獻侯浣浣

索隱作晚卒子恤翻下同

一年卒趙氏之人曰桓

子立非襄主意乃共殺其子復迎浣而立之是為獻子

復扶又翻又音如字獻子即獻侯六國表威烈

王三年獻侯之元年蓋分晉之後三晉僭侯久矣諡法知質有聖曰獻

獻子生籍是為烈侯

諡法有功安民曰烈烈秉德尊業曰烈魏

斯者魏桓子之孫也是為文侯

諡法學勤好問曰文慈惠安民曰文

韓康子生武子武子生虔是

為景侯

諡法克定禍亂曰武布義行剛曰景

六國表威烈王二年魏文侯斯元

年十八年韓景侯虔元年蓋其在國僭爵已久不敢以通王室威烈王

遂因而命之識者重為周惜

魏文侯以卜子夏田子方為師

卜以官為氏田本出於陳陳敬仲以

陳為田氏徐廣曰始食采地由是改姓田氏索隱曰陳田二聲相近遂為田氏夏戶雅翻

每過段干木之廬必式

過工禾翻唐人志氏

## 資治通鑑卷一

十二

五十四

族曰李耳字伯陽一字聃其後有李宗魏封於段為干木大夫是以段為氏也余按通鑑赧王四十二年魏有段干子則段干複姓也書武王式商容閭註云

式其閭巷以禮賢

記曲禮國君撫式士下之

註云升車必正立據式小俛崇敬

也師古曰式車前橫木古者立乘凡言式車者謂俛首撫式以禮敬人孔穎達

曰式謂俯下頭也古者車箱長四尺四寸而三分前一後二橫一木下去車牀三尺三寸謂之為式又於式上二尺二寸橫一木謂之較較去車牀凡五尺五寸於時立乘若平常則憑較故詩云倚重較兮是也若應為敬則落隱下式而頭得俯俛故記云式視馬尾是也較訖岳翻

四方賢士多歸

之文侯與羣臣飲酒樂而天雨命駕將適野左右曰今日飲酒樂天又雨君將

安之文侯曰吾與虞人期獵雖樂豈可無一會期哉乃往身自罷之

周禮有山虞澤虞以

掌山澤註云虞度也度知山林之大小及其所生身自罷之者身往告之以雨而罷獵也樂音洛

韓借師於魏以伐趙文侯曰

寡人與趙兄弟也不敢聞命趙借師於魏以伐韓文侯應之亦然二國皆怒而

去已而知文侯以講於己也

講和也

皆朝于魏

朝直遙翻

魏於是始大於三晉諸侯莫

能與之爭使樂羊伐中山克之

樂姓也本自有殷微子之後宋戴公四世孫樂呂為大司寇中山春秋之鮮虞也漢為中山郡

宋白曰唐定州春秋白狄鮮虞之地隋圖經曰中山城在今唐昌縣東北三十一里中山故城是也杜佑曰城中有山故曰中山

以封其子擊

文侯問於羣臣曰我何如主皆曰仁君任座曰君得中山不以封君之弟而以



封君之子何謂仁君文侯怒任座趨出

任座亦習見當時鄰國之事而為是言耳任音壬座一作座音才戈翻次

問翟璜

翟姓也音直格翻又音狄姓譜翟為晉所滅子孫以國為氏今人多讀從上音璜戶光翻

對曰仁君文侯曰何以知

之對曰臣聞君仁則臣直嚮者任座之言直臣是以知之文侯悅使翟璜召任

座而反之親下堂迎之以為上客文侯與田子方飲文侯曰鍾聲不比乎

比音毗不

比言不左高此蓋編鍾之懸左和也

田子方笑文侯曰何笑子方曰臣聞之君明樂

官不明樂音今君審於音臣恐其聾於官也

明樂官知其才不才明樂音知其和不和五聲合和然後成音詩大

序曰聲成文謂之音

文侯曰善子擊出遭田子方於道下車伏謁

古文考曰黃帝作車引重致遠少昊氏加牛禹

時奚仲加馬釋名曰車居也韋昭曰古唯尺遮翻自漢以來始有居音蕭子顯曰三皇氏乘祇車出谷口車之始也祇翹移翻

子方不為禮子

擊怒謂子方曰富貴者驕人乎貧賤者驕人乎子方曰亦貧賤者驕人耳富貴

者安敢驕人國君而驕人則失其國大夫而驕人則失其家失其國者未聞有

以國待之者也失其家者未聞有以家待之者也夫士貧賤者言不用行不合

則納履而去耳安往而不得貧賤哉子擊乃謝之

夫音扶行下孟翻

文侯謂李克曰先

## 資治通鑑卷一

十三

生嘗有言曰家貧思良妻國亂思良相今所置非成則璜二子何如

李氏出自顓頊曾孫

皋陶為堯大理以官命族為理氏商紂時裔孫利貞逃難食木子得全改為李氏置言置相也相息亮翻難乃旦翻

對曰卑不謀尊疏不

謀戚臣在闕門之外不敢當命

在闕門之外謂疏遠也

文侯曰先生臨事勿讓克曰君弗

察故也居視其所親富視其所與達視其所舉窮視其所不為貧視其所不取

五者足以定之矣何待克哉文侯曰先生就舍吾之相定矣

相息亮翻

李克出見翟

璜翟璜曰今者聞君召先生而卜相果誰為之克曰魏成翟璜忿然作色曰西

河守吳起臣所進也

班志魏地其界自高陵以東盡河東河內高陵縣漢屬馮翊其地在河西所謂西河之外者也魏初使吳起守之秦

兵不敢東向至惠王時秦使衛鞅擊虜其將公子卬遂獻西河之外於秦吳以國為姓相息亮翻守式又翻

君內以鄴為憂臣進西

門豹

班志鄴縣屬魏郡西門豹為鄴令鑿渠以利民王符潛夫論姓氏篇曰君如有東門西郭南宮北郭皆因居以為姓西門蓋亦此類鄴魚怯翻

欲伐中山臣進樂羊中山已拔無使守之臣進先生君之子無傳臣進屈侯鮒

傳者傳之以德義因以為官名傳芳遇翻屈九勿翻姓也余按屈晉地時屬魏鮒蓋魏封屈侯也鮒音符遇翻

以耳目之所睹記臣何

負於魏成

不勝為負

李克曰子言克於子之君者豈將比周以求大官哉

比毗至翻阿黨為比



君問相於克克之對如是李克自叙其答所以知君之必相魏成者魏成食祿

千鍾孔穎達曰祿者穀也故鄭註司祿云祿也言穀年穀豐然後制祿援神契云祿者錄也白虎通曰上以收錄接下下以名錄謹以事上是也六斛四

斗為一鍾什九在外什一在內是以東得卜子夏田子方段干木夏戶雅翻此三人者君

皆師之子所進五人者君皆臣之子惡得與魏成比也惡讀曰翟璜逡巡再拜

曰璜鄙人也失對願卒為子弟逡七倫翻逡巡却退貌卒子恤翻終也孔穎達曰先生師也謂師為先生者言彼先己而生其

德多厚也自稱為弟子者言己自吳起者衛人仕於魯齊人伐魯魯人欲以為

將起取齊女為妻將即亮翻下同取讀曰娶孔穎達曰妻之為言齊也以禮見問得與夫敵體也魯人疑之起殺妻以

求將大破齊師或譖之魯侯曰起始事曾參世本曰曾姓出自鄆國陸德明曰參所金翻一音七南翻母死

不奔喪曾參絕之今又殺妻以求為君將起殘忍薄行人也行下孟翻且以魯國區

區而有勝敵之名則諸侯圖魯矣起恐得罪聞魏文侯賢乃往歸之文侯問諸

李克李克曰起貪而好色好呼到翻然用兵司馬穰苴弗能過也司馬官名穰苴本齊田姓仕齊為是

官故以稱之齊景公之賢將也穰如羊翻苴子余翻於是文侯以為將擊秦拔五城起之為將與士卒最

## 資治通鑑卷一

十四

下者同衣食臥不設席行不騎乘騎馬為騎乘車為乘言起與士卒同其勞苦行不用車馬也親裹贏糧師古

曰贏擔也此言起親裹士卒所齎擔之糧贏怡成翻與士卒分勞苦卒有病疽者起為吮之疽七余翻癰也吮徐兗翻

說文嗽也卒母聞而哭之人曰子卒也而將軍自吮其疽何哭為母曰非然也

往年吳公吮其父疽其父戰不旋踵遂死于敵吳公今又吮其子妾不知其死

所矣是以哭之燕湣公薨子僖公立燕自召公奭受封於北燕其地則唐幽州薊縣故城是也自召公至湣公三十二世

燕因肩翻湣讀與閔同諡法使民悲傷曰閔小心畏忌曰僖

二十四年王崩子安王驕立盜殺楚聲王國人立其子悼王周成王封熊繹於楚姓芈氏居丹陽

今枝江縣故丹陽城是也括地志曰歸州秭歸縣丹陽城熊繹之始國其後疆

大北封畛於汝南并吳越地方五千里自熊繹至聲王三十世索隱曰聲王名

當悼王名疑諡法不生其國曰聲註云生於外家中早夭曰悼注云年不稱志又云恐懼從處曰悼注云從處言險圯也

安王諡法好和不爭曰安

元年秦伐魏至陽狐周孝王邑非子於秦徐廣曰今隴西縣秦亭是也括地志曰秦州清水縣本名秦十三州志曰秦亭秦谷是也至襄

公取周地穆公霸西戎日以強大是年秦簡公之十四年也自非子至簡公二

十八世陽孤史記作陽狐正義引括地志曰陽狐郭在魏州元城縣東北三十



里余按此時西河之外皆為魏境若秦兵至元城則是越魏都安邑而東矣水經注河東垣縣有陽壺城九域志絳州有陽壺城姑識之以廣異聞且俟知者

二年魏韓趙伐楚至桑丘水經注澧水自葛陂東南逕新蔡縣故城東而東南流注於汝水又東南逕下桑里左地為橫塘陂史記

作乘丘正義地理志乘丘故城在兗鄭圍韓陽翟周宣王封其弟友于鄭杜預州瑕丘縣西北三十五里當從之

鄭邑是也幽王無道友徙其人於號鄆之間遂有其地今河南新鄭是也友諡桓公是年鄭繻公駘之二十三年自桓公至繻公二十二世班志陽翟縣屬潁

川郡索隱曰翟音狄溫公類篇韓景侯薨子烈侯取立趙烈侯薨國人立其弟音萇伯切繻詢趨翻駘堂來翻

武侯秦簡公薨子惠公立諡法愛民好與曰惠

三年王子定奔晉號山崩壅河徐廣曰號山在陝裴駘曰弘農陝縣故號國北號在大陽東號在滎陽括地志曰號山在陝州

陝縣西臨黃河今臨河有岡阜似是頽山之餘水經注曰陝城西北帶河水湧起方數十丈父老云石虎載銅翁仲至此沈沒水所以湧洪河巨瀆宜不為金

狄梗流蓋魏文侯時號山崩壅河所致耳陝失冉翻

四年楚圍鄭鄭人殺其相駟子陽鄭穆公之子駢字子駟古者以王父之字為氏子陽其後也相息亮翻駢芳菲翻

五年日有食之杜預曰日行遲一歲一周天月行速一月一周天一歲凡十二交會然日月動物雖行度有大量不能不小有贏縮故有雖交

會而不食者或有頻交而食者孔穎達曰日月交會謂朔也周天三百六十五度四分度之一日月皆右行於天一晝一夜日行一度月行十三度十九分度

## 資治通鑑卷一

十五

五十四

之七二十九日日有餘而月行天一周追及於日而與之會交會而日月同道則食月或在日道表或在日道裏則不食矣又歷家為交食之法大率以一百七十有三日有奇為限然月先在裏則依限而食者多若月在表則依限而食者少杜預見其參差乃云雖行度有大量不能不小有贏縮故有雖交會而不食者或有頻交而食者此得之矣蘇氏曰交當朔則日食然亦有交而不食者交而食陽微而陰乘之也交而不食陽盛而陰不能揜也朱元晦曰此則繫乎人事之感蓋臣子背君父妾婦乘其夫小人陵君子夷狄侵中國所感如是則陰盛陽微而日為之食矣是以聖人於春秋每食必書而詩人亦以為醜也今此書年而不書月與晦朔史失之也釋名曰日月虧曰食稍小侵虧如蟲食草木之葉也亦作蝕

三月盜殺韓相俠累俠累與濮陽嚴仲子有惡仲子聞軹人聶政之勇以黃金

百溢為政母壽欲因以報仇相息亮翻俠戶頰翻累力追翻濮陽春秋之帝丘漢為濮陽縣屬東郡應劭曰濮水南入鉅野水北

為陽濮博木翻惡如字不善也康烏故切非軹春秋原邑晉文公所圍者漢為軹縣屬河內郡音只姓譜曰楚大夫食采於聶因以為氏聶尼輒翻溢夷質翻

二十四政不受曰老母在政身未敢以許人也及母卒仲子乃使政刺俠累卒

恤翻刺七亦翻又如字俠累方坐府上兵衛甚衆聶政直入上階上時刺殺俠累因自皮

面決眼自屠出腸韓人暴其尸於市暴步木翻購問莫能識其姊嫫聞而往哭

之曰是軹深井里聶政也史記正義曰深井里在懷州濟源縣南三十里以妾尚在之故重自刑以絕



從妾柰何畏歿身之誅終滅賢弟之名遂死於政尸之旁皮面以刀斨面而去其皮懸賞以募告者

曰購購古侯翻嫫烏莖翻絕從之從讀曰蹤謂自絕其蹤跡又或曰從讀如字謂絕其從坐之罪也

六年鄭駟子陽之黨弑繻公繻者諡法所不載史記而立其弟乙白虎通曰弟

篤也行是為康公宋悼公薨子休公田立武王封微子啓於宋唐宋州之睢陽縣是也自微子二十七世至悼公名

購由休亦諡法所不載

八年齊伐魯取最武王封太公於齊唐青州之臨淄是也括地志曰天齊水在臨淄東南十五里封禪書曰齊之所以為齊者以天齊是年

康公貸之十一年自太公至康公二十九世成王封伯禽於魯唐兗州之曲阜是也是年穆公之十六年自伯禽至穆公凡二十八世鄭負黍叛

復歸韓據史記繻公之十六年敗韓於負黍蓋以此時取之而今復叛歸韓也

劉昭郡國志潁川郡陽城縣有負黍聚古今地名云負黍山在陽城縣西南二十七里或云在西南三十五里

九年魏伐鄭晉烈公薨子孝公傾立周成王封弟叔虞於唐括地志曰故唐城在并州晉陽縣北二里堯所築也都城記

曰唐叔虞之子燮父徙居晉水旁今并州理故唐城即燮父初徙之處其城南半入州城中毛詩譜曰燮父以堯墟南有晉水改曰晉侯自唐叔至烈公三十

七世烈公名止諡法慈惠愛親曰孝

資治通鑑卷一

十一年秦伐韓宜陽取六邑班志宜陽縣屬弘農郡史記正義曰宜陽縣故城在河南府福昌縣東十四里故韓城是也此邑即

周禮四井初田常生襄子盤盤生莊子白白生太公和此序齊田氏之世也田為邑之邑

溫公避仁廟諱改恒曰常自陳公子完奔齊五世至常得政諡法勝敵志強曰莊是歲齊田和遷齊康公於海上使食

一城以奉其先祀

十二年秦晉戰于武城此非魯之武城左傳晉陰飴甥會秦伯盟于王城杜預曰馮翊臨晉縣東有王城今名武鄉括地志故武城一

名武平城在華州齊伐魏取襄陽陽當作陵徐廣曰今之南平陽也余據晉志鄭縣東北十三里南平陽縣屬山陽郡班志陳留郡有襄邑縣

師古曰圈稱云襄邑宋地本承匡襄陵鄉也宋襄公所葬故曰襄陵秦始皇以承匡卑濕徙縣襄陵因曰襄邑魯敗齊師于平陸班志東平

國有東平陸縣戰國時之平陸也史記正義曰平陸兗州縣即古厥國宋白曰鄆州中都縣漢為平陸縣史記魯敗齊師于平陸是也敗補邁翻

十三年秦侵晉齊田和會魏文侯楚人衛人于濁澤康曰濁水名漢志濁水出齊郡廣縣嬀山余謂康說

誤矣徐廣史記注曰長社有濁澤水經注曰皇陂水出胡城西北胡城潁陰之狐人亭也皇陂古長社之濁澤也記諸侯相見於郤地曰會孔穎達曰諸侯未

及期而相見曰遇會者謂及期求為諸侯魏文侯為之請於王及諸侯王許之

為之為于偽翻



十五年秦伐蜀取南鄭

譜記普云蜀之先肇自人皇之際黃帝子昌意娶蜀山氏女生帝皓既立封其支庶于蜀歷虞夏商周周衰先

稱王者蠶叢余據武王伐紂庸蜀諸國皆會于牧野孔安國曰蜀叟也春秋之時不與中國通**班志**南鄭縣屬漢中郡唐為梁州治所皓通作響音括沃翻

魏文侯薨太子擊立

王者以嫡長子為太子謂之國儲副君諸侯曰世子周衰率上僭孔穎達曰太者大中之大也上時掌翻長知兩翻

是為武侯武侯浮西河而下

西河即禹貢之龍門西河中流顧謂吳起曰美哉山河之固此

魏國之寶也對曰在德不在險昔三苗氏左洞庭右彭蠡德義不修禹滅之

武陵

長沙零桂之水匯為洞庭周七百里彭蠡澤在漢豫章郡彭澤縣**夏桀之居左**

河濟右泰華伊闕在其南羊腸在其北修政不仁湯放之

濟水出河東垣縣王屋山南流貫河而南

合于滎瀆**禹貢**所謂導沅水東流為滎者也自漢築滎陽石門而濟與河合流而注于海不入滎瀆**禹貢**所謂導沅水東流為滎者也自漢築滎陽石門而濟與

恃以為險泰華山在京兆華陰縣南**水經**伊水出南陽縣西荀渠山東北流至河南新城縣又東南過伊闕中大禹所鑿也兩山相對望之若闕**左傳**女寬守

此安邑四履所憑山河之固也**書**曰成湯放桀于南巢濟子禮翻華戶化翻**商**

紂之國左孟門右太行常山在其北大河經其南修政不德武王殺之

水經註孟門在

河東北屈縣西即龍門上口也**淮南子**曰龍門未闢呂梁未鑿河出孟門之上溢而逆流無有丘陵名曰洪水太行山在河內野王縣西北常山在常山郡上

## 資治通鑑卷一

十七

五十四

曲陽縣西北河水自孟門南抵華陰屈而東流紂都朝歌河經其南北屈之孟門在朝歌西北恐不可言左**索隱**曰孟門別一山在朝歌東此特左右二字之

差而誤耳**春秋說題辭**河之為言荷也荷精分布懷陰引度也**釋名**河下也隨地下處而通流也**書**曰武王勝殷殺紂太行之行戶剛翻北屈陸求忽翻顏居

勿由此觀之在德不在險若君不修德舟中之人皆敵國也武侯曰善魏置相

相田文相息亮翻此田文非齊之田文吳起不悅謂田文曰請與子論功可乎田文曰可起曰

將三軍使士卒樂死敵國不敢謀子孰與起文曰不如子將即亮翻樂音洛起曰治百

官親萬民實府庫子孰與起文曰不如子治直之翻起曰守西河秦兵不敢東鄉韓

趙賓從子孰與起文曰不如子鄉讀日向賓從猶言賓服也起曰此三者子皆出吾下而位

居吾上何也文曰主少國疑大臣未附百姓不信方是之時屬之子乎屬之我

乎少詩照翻屬子欲翻起默然良久曰屬之子矣久之魏相公叔尚主而害吳起如淳曰天子嫁

女於諸侯必使諸侯同姓者主之故謂之公主帝姊妹曰長公主諸王女曰翁主師古曰如說得之天子不親主婚故謂之公主諸王則自主婚故其女曰翁

隴謂父曰翁而臣瓚王琳或云公者比於上爵或云主者婦人尊稱皆失之劉

貢父曰予謂公主之稱本出秦舊男為公子女為公主古者大夫妻稱主故以公配之若謂同姓主之故謂之公主則周之事秦不知用也古之嫁女禮當如



周使大夫主之何不謂之夫主乎然則謂之王主者猶言王子也謂之公主者緣公而生耳毛晃曰尚崇也高也貴也飾也加也尊也娶公主謂之尚言帝王之女尊而尚之不敢言娶也相息亮翻

公叔之僕曰起易去也起為人剛勁自喜易以豉翻去起呂翻師古曰喜許吏

子先言於君曰吳起賢人也而君之國小臣恐起之無留心也君盍試延

以女起無留心則必辭矣子因與起歸而使公主辱子起見公主之賤子也必辭則子之計中矣中竹仲翻公叔從之吳起果辭公主魏武侯疑之而未信起懼誅

遂奔楚楚悼王素聞其賢至則任之為相起明濩審令相息亮翻濩古法字捐不急之官

廢公族疏遠者以撫養戰鬪之士要在彊兵破遊說之言從橫者捐余專翻弃也除去也漢

**書音義**曰以利合曰從以威力相脅曰橫或曰南北曰從從者連南北為一西鄉以擯秦東西曰橫橫者離山東之交使之西鄉以事秦說式芮翻從即容翻

衡亦作於是南平百越韋昭曰越有百邑北卻三晉西伐秦諸侯皆患楚之強而楚之

貴戚大臣多怨吳起者秦惠公薨子出公立出非諡也以其失國出死故曰出公趙武侯薨國人

復立烈侯之太子章是為敬侯諡法夙夜警戒曰敬韓烈侯薨子文侯立

十六年初命齊大夫田和為諸侯田氏自此遂有齊國田和是為太公趙公子朝作亂奔魏與魏

## 資治通鑑卷一

十八

襲邯鄲不克邯音寒鄲音丹

十七年秦庶長改逆獻公于河西而立之殺出子及其母沈之淵旁後秦制爵一級曰公

士二上造三簪裊四不更五大夫六官大夫七公大夫八公乘九五大夫十左庶長十一右庶長十二左更十三中更十四右更十五少上造十六大上造十

七駟車庶長十八大庶長十九關內侯二十徹侯師古曰庶長言衆列之長註又詳見下卷顯王十年前據史記威烈王十一年秦靈公卒子獻公師隰不得

立立靈公季父悼子是為簡公出子簡公之孫也今庶長改迎獻公而殺出子正義曰西者秦州西縣秦之舊地時獻公在西縣故迎立之余謂此言河西非

西縣也靈公之卒獻公不得立出居河西河西者黃河之西蓋齊伐魯韓伐鄭漢涼州之地裊當作裊乃了翻更工衡翻乘繩證翻長知丈翻

取陽城漢陽城縣屬潁川郡是為地中成周於此以土圭測日景伐宋執宋公齊太公薨子桓公午立

十九年魏敗趙師于兔臺史記趙世家曰魏敗我兔臺築剛平正義曰兔臺剛平並在河北敗補邁翻

二十年日有食之既既盡也

二十一年楚悼王薨貴戚大臣作亂攻吳起起走之王尸而伏之之往也往赴王尸而伏其

側擊起之徒因射刺起并中王尸射而亦翻刺七亦翻中竹仲翻既葬肅王即位諡法剛德克就曰肅執心

決斷使令尹盡誅為亂者令尹楚相也坐起夷宗者七十餘家夷殺也夷宗者殺其同宗也



二十二年齊伐燕取桑丘魏韓趙伐齊至桑丘

**括地志**此桑丘非二年所書楚之桑丘

在易州遂城縣蓋燕之南界也

二十三年趙襲衛不克

成王封康叔於衛居河淇之間故殷墟也至懿公為狄所滅東徙度河文公徙居楚丘遂國於濮陽是年慎公

頹之三十五年自康叔至慎公凡三十二世

齊康公薨無子田氏遂并齊而有之

姜氏至此滅矣是歲齊桓

公亦薨子威王因齊立

**論法**強毅訖正曰威訖渠留翻齊桓公田午訖謀也

二十四年狄敗魏師于澮

漢之中山上黨西河上郡自春秋以來狄皆居之此亦其種也**水經**澮水出河東絳縣東澮山西過絳縣

南又西南過虢祁宮南又西南至王橋入汾水**括地志**澮山在絳州翼城縣東北敗補邁翻澮古外翻

魏韓趙伐齊至靈丘

**史記正義**

曰靈丘河東蔚州縣余按蔚州之靈丘即漢代郡之靈丘此時齊境安能至代北邪此即孟子謂蚺鼃辭靈丘請士師之地**班志**曰齊地北有千乘清河以南

漢清河郡有靈縣清河北接趙魏之境此為近之蚺音遲鼃烏花翻

晉孝公薨子靖公俱酒立

**論法**柔衆安民曰靖又恭己鮮言曰

二十五年蜀伐楚取茲方

**史記**蜀伐楚取茲方楚為扞關以拒之則茲方之地在扞關之西劉昭志巴郡魚復縣有扞關

思言苟變於衛侯曰其才可將五百乘

古者兵車一乘甲士三人步卒七十二人五百乘三萬七千五百人**國語**曰苟

## 資治通鑑卷一

十九

本自黃帝之子將即亮翻下同乘繩證翻

公曰吾知其可將然變也嘗為吏賦於民而食人二雞子

故弗用也子思曰夫聖人之官人猶匠之用木也

夫音扶

取其所長棄其所短故

杞梓連抱而有數尺之朽良工不棄今君處戰國之世

處昌呂翻

選爪牙之士而以

二卵棄千城之將

**詩**趙趙武夫公侯干城毛氏傳曰干扞也音戶旦此不可使翻鄭氏箋曰干也城也皆所以禦難也干讀如字

聞於鄰國也公再拜曰謹受教矣衛侯言計非是而羣臣和者如出一口

和戶臥翻

子思曰以吾觀衛所謂君不君臣不臣者也

**君不君臣不臣論**語載齊景公之言

公丘懿子曰何

乃若是

公丘複姓溫柔賢善曰懿**論法**

子思曰人主自臧則衆謀不進

臧善也

事是而臧之猶卻

衆謀況和非以長惡乎

和戶臥翻長知丈翻

夫不察事之是非而悅人讚己闇莫甚焉不

度理之所在而阿諛求容諂莫甚焉

度徒洛翻

君闇臣諂以居百姓之上民不與也

若此不已國無類矣子思言於衛侯曰君之國事將日非矣公曰何故對曰有

由然焉君出言自以為是而卿大夫莫敢矯其非卿大夫出言亦自以為是而

士庶人莫敢矯其非君臣既自賢矣

**白虎通**曰君羣也羣下之所歸心也臣堅也厲志自堅也

而羣下同聲



賢之賢之則順而有福矯之則逆而有禍如此則善安從生詩曰具曰予聖誰

知烏之雌雄

**詩正月**之辭毛氏**傳**曰君臣俱自謂聖也鄭氏**箋**曰時君臣賢愚

以翼右掩左雄左掩右

抑亦似君之君臣乎魯穆公薨子共公奮立

**諡法**布德

中情見貌曰穆尊賢敬讓曰共既過能改曰共執事堅固曰共共讀曰恭

**考異**

曰司馬遷**史記六國表**周威烈王十九年甲戌魯穆公元年烈王元年丙午共

公元年顯王十七年己巳康公元年二十六年戊寅景公元年赧王元年丁未

平公元年二十年丙寅文公元年四十三年己丑頃公元年五十九年乙巳周

亡秦莊襄王元年壬子楚滅魯按**魯世家**穆公三十三年卒若元甲戌終乙巳

則是三十二年也共公二十二年卒若元丙午終戊辰則是二十三年也康公

九年卒景公二十五年卒平公二十二年卒若元丁未終乙丑則是十九年也

文公二十三年卒頃公二十四年楚滅魯班固**漢書律曆志**文公作緡公其在

位之年與**世家**異者惟平公二十年耳本**志**自魯僖公五年正月辛亥朔旦冬

至推之至成公十二年正月庚寅朔旦冬至定公七年正月己巳朔旦冬至元

公四年正月戊申朔旦冬至康公四年正月丁亥朔旦冬至緡公二十二年正

月丙寅朔旦冬至漢高祖八年十一月乙巳朔旦冬至武帝元朔六年十一月

甲申朔旦冬至元帝初元二年十一月癸亥朔旦冬至其間相距皆七十六年

此最為得實又與**魯世家**註皇甫謐所紀歲次皆合今從之**六國表**差謬難可

盡據也余按**考異**自魯僖公五年至漢元帝初元二年六百餘年間十二月朔

旦冬至相距皆七十六年此最為得實又與**魯世家**註皇甫謐所紀歲次皆合

蓋謂劉彝叟**長曆**也且言**史記六國表**差謬難可盡據又按**通鑑目錄**編年用

劉彝叟**長曆**漢武帝太初元年初用夏正定歷**史記歷書**是年書闕逢攝提格

資治通鑑卷一

**目錄**書疆圉赤奮若闕逢攝提格甲寅也疆圉赤奮若丁丑也有二十四年之

差溫公用彝叟**歷**邵康節**皇極經世書**亦用彝叟**曆**康節少自雄其才既學力

慕高遠一見李之才遂從而受學廬于共城百源冬不爐夏不扇夜不就席者

數年覃思于**易經**也**皇極經世書**不能違彝叟**曆**及其來居于洛而溫公亦奉

祠以書局在洛相過從稔又夙所敬者也余意其講明之**韓文侯**薨子哀侯立

間必嘗及此而決於用彝叟**曆**讀**考異**此一段辭意可見

二十六年王崩子烈王喜立魏韓趙共廢晉靖公為家人而分其地**唐叔不**

烈王**名喜安**之子

元年日有食之韓滅鄭因徙都之**韓本都平陽其地屬漢之河東郡中間徙都**

始封於鄭其地屬漢之京兆後滅虢鄆而國於溱洧之間故曰新鄭**左傳**鄭莊

公所謂吾先君新邑於此是也今韓既滅鄭自陽翟徙都之韓既都鄭故時人

亦謂韓王為鄭王考之**趙敬侯**薨子成侯種立**種章**

**戰國策**韓非子可見

三年燕敗齊師於林狐

**敗補**魯伐齊入陽關**徐廣曰陽關在鉅平班志鉅平縣**

州博城縣南二十九里其

城之西臨汶水汶音問

魏伐齊至博陵**史記正義**曰博陵在濟州西界宋白

東郡之博

平漢為縣

燕僖公薨子桓公立宋休公薨子辟公立**辟亦諡法**衛慎公薨子聲

公訓立**諡法**敏以敬曰慎戴

**記**思慮深遠曰慎



四年趙伐衛取都鄙七十三

周禮太宰以八則治都鄙註云都之所居曰鄙都鄙卿大夫之采邑蓋周之制四縣為都方四十里

一千六百井積一萬四千四百夫五鄩為鄙鄙五百家也此時衛國編小若都鄙七十三以成周之制率之其地廣矣盡衛之提封未必能及此數也更俟博考

魏敗趙師于北蘭

班志西河郡有蘭縣史記正義曰在石州其地於趙為西北故曰北蘭蘭離進翻

五年魏伐楚取魯陽

左傳所謂劉累遷于魯縣即魯陽也班志魯陽縣屬南陽郡史記正義曰今汝州魯山縣

韓嚴遂弑哀

侯國人立其子懿侯初哀侯以韓廆為相而愛嚴遂二人甚相害也嚴遂令人

刺韓廆於朝廆走哀侯哀侯抱之人刺韓廆兼及哀侯

戰國策以聶政刺韓相事及并中哀侯為一事

此從史記蜀本註

曰按太史公年表及韓世家於韓烈侯三年皆書聶政殺韓

相俠累於哀侯六年又皆書嚴遂弑哀侯以刺客傳考之聶政殺俠累事在哀

侯時以戰國策考之亦然從傳與戰國策則是年表世家於烈侯三年書盜殺

俠累誤矣通鑑於烈侯三年載聶政殺俠累事又於哀侯六年載嚴遂殺其君

哀侯是從年表世家所書蓋刺客傳初不言并殺哀侯止戰國策言之通鑑豈

以此疑之歟故載并刺哀侯不書聶政止曰使人以此求之則通鑑之意不以

嚴仲子為嚴遂亦不以俠累為韓廆止從年表世家而不信其傳也余按溫魏

公與劉道原書亦疑此事廆戶賄翻相息亮翻刺七亦翻朝直遙翻走音奏

武侯薨不立太子子瑩與公中緩爭立國內亂

瑩於耕翻中讀曰仲

六年齊威王來朝是時周室微弱諸侯莫朝而齊獨朝之天下以此益賢威王

## 資治通鑑卷一

二十一

朝直趙伐齊至鄆

班志濟陰郡有鄆城縣鄆工掾翻

魏敗趙師于懷

班志河內郡有懷縣魏收地形志懷州武德郡有懷

縣管內有懷城敗補邁翻

齊威王召即墨大夫語之曰自子之居即墨也毀言日至

班志即墨

縣屬膠東國括地志即墨故城在萊州膠水縣南六十里宋白曰城臨墨水故曰即墨語牛倨翻下同

然吾使人視即墨田野辟

辟讀曰闢下同

人民給官無事東方以寧是子不事吾左右以求助也封之萬家召阿

大夫語之曰自子守阿譽言日至

阿即東阿縣班志屬東郡譽音余稱其美也

吾使人視阿田野不

辟人民貧餒昔日趙攻鄆子不救

鄆工掾翻

衛取薛陵子不知

薛陵春秋薛國之墟也班志薛縣屬魯國

而衛國在漢東郡陳留界薛陵屬齊而近於衛故為所取齊後封田嬰於此

是子厚幣事吾左右以求譽也是日烹

阿大夫及左右嘗譽者於是羣臣聳懼莫敢飾詐務盡其情齊國大治彊於天

下譽音余治直吏翻

楚肅王薨無子立其弟良夫是為宣王宋辟公薨子剔成立

剔他歷翻

七年日有食之王崩弟扁立

據班書古今人表師古註扁音篇

是為顯王魏大夫王錯出奔韓

姓譜

王氏之所自出非一出太原琅邪者周靈王太子晉之後北海陳留齊王

田和之後東海出自姬姓高平京兆魏信陵君之後天水東平新蔡新野山陽

中山章武東萊河東者殷王子比干為紂所害子孫以王者之後號曰王氏公

余謂此皆後世以諸郡著姓言之耳春秋之時自有王姓莫能審其所自出



孫頎謂韓懿侯曰魏亂可取也

公孫姓也黃帝公孫氏頎渠希翻

懿侯乃與趙成侯合兵伐魏

戰于濁澤大破之遂圍魏

史記正義

曰徐廣以為長社濁澤非也括地志云濁

魏豈至河南長社邪解縣濁水近于魏都當是也

成侯曰殺瑩立公中緩割地而退我二國之利也懿

侯曰不可殺魏君暴也割地而退貪也不如兩分之魏分為兩不彊於宋衛則

我終無魏患矣趙人不聽懿侯不悅以其兵夜去趙成侯亦去瑩遂殺公中緩

而立

中讀曰仲

是為惠王太史公曰魏惠王所以身不死國不分者二國之謀不和

也若從一家之謀魏必分矣故曰君終無適子其國可破也

索隱

曰蓋古人之言及俗說故云故

曰適讀曰嫡

## 資治通鑑卷一

二十二

資治通鑑